

**Uunga siunnersuut: Inatsisartut Naalakkersuisullu pillugit Inatsisartut inatsisaata allanngortinneqarneranik Inatsisartut inatsisaat, nr. xx, uu. qqqq 2020-meersoq**  
(Naalakkersuisunut apeqqutit)

**Saqquummiusissut**  
(Inatsisartut Siulittaasuut)

**Siullermeerinninneq**

Inatsisartut Naalakkersuisullu pillugit Inatsisartut inatsisaata allanngortinneqarneranik  
Inatsisartut inatsisissaannut siunnersuut Siulittaasoqarfik sinnerlugu matumuuna  
saqqummiutissavara.

Inatsisartut Suleriaasianni § 37-ip 1. juli 2020-mi atuutilersussamik allanngortinneqarnissaa  
UKA2019-imni Inatsisartut akuersissutigaat.

Siunnersuutip matuma siunertaraa aalajangersakkap pineqartup aamma Inatsisartut  
Naalakkersuisullu pillugit Inatsisartut inatsisaanni aalajangersakkap Inatsisartunut ilaasortanit  
apeqqutinut akissuteqartarnissamut Naalakkersuisut pisussaaffeqarnerannut tunngasup  
akornanni tamakkiisumik naapertuuttoqalernissaata qularnaarneqarnissaa.

Taamaalluni siunnersuut juulip ulluisa aallaqqaataanniit inatsiseqartitsinikkut pissutsinik  
atuuttunik allanngortitsissanngilaq.

Taamatut naatsumik oqaaseqarlunga Siulittaasoqarfik sinnerlugu siunnersuut Inatsisartunut  
oqluuserisassanngortippa.